


太平經卷之一百一  
西壁圖第一百六十四






武



中善好忠厚  
餘善偉人物山  
色雲飛並立取  
空裝鉢

（四四）武 武 武 武 武





上古神人真人誠後學者為惡圖象無為陰賊不好順事反好為宮娥妒令人死凶天道不可彊劫劫必致兵喪威之死滅世亡道神書必敗欲以為利反以為害此即響應天地之性也乃致自然之際會審樂以長存慎之慎之無好無害善者自與惡者自敗觀此二象思其利害凡天下之事各從其類毛髮之間無有過差但人不自精自以不知罪名一著不可奈何不守其本身死有餘過乃為惡於內邪惡相召於外故前有善獄後有惡鬼皆來趨闕欲止不得也其因以亡身故畫象以示後來賢明得之以為大誠愚者不信道自若忽事書審如言不失鉢分故守柔者長壽好闕者令人不存物事各從其類不復得還雖悔之無益鬼已著焉見誠當覺以時自還

今尚未傷固可得為善人善者乃上行惡者下降天道無私乃有自然故不失法也其事若神

右著西壁  
太平經卷之一百一

正一天師清微弟子 洪百堅 製作  
道教學術資訊網站

太平經卷之一百二同卷三 訓九

神人自序出書圖服色訣第一百六

十五

吾本少學而不止精神念之涕常欲下為此積久蒙皇天大恩今日幸得逢天師人於曠野始學若虧司問小事外浮華也本求守一養性之法凡三百首乃見天師說而無極故敢問身寧可得長存與不見天師說而無極故敢問小政事見師說無極乃敢具問天地開闢以來帝王更相承負愁苦天災變怪訖不絕何以除之又羣神無故共害人人不得竟其年命以何止之今受天師嚴教深戒之後宜何時出此止姦偽與天地道之書乎乙巳而出以付郵客而往通之者也後世歲歲在玄甲乃出之是天諧甲之首最上旬也與元氣為初乃以書前後付國家可以解天地初起以來更相承負之厄會也比付當以何字其文教積累其字獨自深知之勿令泄皇天上和與第一之道也將傳與能往付者共分別解之比到玄甲使其憤憤如有求吾書